

說文解字群經正字

說文解字羣經正字卷十

餘姚邵瑛學

丨部

丨有所絕止丨而識之也 主鐙中火主也从主象形从

丨丨亦聲 拉之廣切

據說文丨爲丨定之丨凡主宰字卽作此主爲火主俗作炷今經典祇用主字

青部

青東方色也木生火从生丹丹青之信言必然

今經典作青五經文字云說文作青从生从丹石經作青凡清請之類皆從青

井部

井八家一井象構韓形。𦵏之象也

今經典作井、六書正譌云、隸作井、

𦵏造法𦵏業也从井刃聲讀若創

今經典多作創、國語周語以創制天下、論語憲問、裨諶
草創之、孟子梁惠王、君子創業垂統之類、皆是、正字當
作𦵏、今作創、說文刃部、刃傷也、从刃从一、或从刀倉聲
作創、臣鉉等曰、今俗別作瘡、非是、音義俱異、

皀部

既小食也从皀𠂔聲、論語曰、不使勝食既、

今論語鄉黨作氣、邢疏、氣小食也、言有囚雖多食之不

可使過食氣也、按今氣字、古作气、古氣字、今作餼、說文部首、气、雲气也、象形、去既切、米部、氣、饋客芻米也、从米气聲、引春秋傳齊人來氣諸侯、或从既作𩇛、或从食作餼、是氣乃餼之本字、食氣、正字當作既、小食、蓋對禮食言、猶言常食、禮記中庸既廩稱事、正用此字、百工原不過與以常食耳、注家必讀既爲餼、殊失之不考也、儀禮聘禮記、日如其饗餼之數、鄭注、古文既爲餼、則今本餼字、本是既字、俗儒少見多怪、故改之也、不使勝食既、今本作氣、亦俗儒所改、陸德明釋文引說文作既、云小食也、糾正甚是、陸佃禮記解曰、既如字、說文曰小食也、亦見北宋人尚畱心古義、金仁山集註考證、謂食氣當讀

作食餼猶云飯料也聘禮凡餼大夫黍梁稷則黍梁稷正謂之食氣核之說文義尚未諦

鬯部

鬱芳艸也十葉爲貫百廿貫築以煮之爲鬱从臼口缶鬯三其飾也一曰鬱鬯百艸之蕤遠方鬱人所貢芳艸合釀之以降神鬱今鬱林郡也

今經典作鬱周禮鬱人和鬱鬯禮記明堂位鬱尊用黃目周語國語鬱人薦鬯皆是正字當作鬱鬱說文林部云木叢生者从林鬱省聲義異

獻禮器也象獻之形中有鬯酒又持之也所以飲器象獻者取其鳴節節足足也

今經典作爵，隸省變，漢碑多有之。

𥽿黑黍也。一稗二米以釀也。从鬯，矩聲。或从禾作秬。

今經典竝从或體。

食部

𩚑一米也。从𩚑，△聲。或說△，𩚑也。

今經典作食。五經文字云：說文从△，𩚑，𩚑彼立反。今依石經作食。凡字在左者，又省一畫作食。

饔，滫飯也。从食，𩚑聲。或从賁作饔。或从弄作饔。

今經典从或體。而又變作饔。詩洞酌可以饔饔。又，从或體作饔。爾雅釋言饔，稔也。釋文引說文作饔，乃饔字之誤。

飪大孰也从食壬聲古文作𩚑亦作𩚒

按飪字見易象傳儀禮士昏禮聘禮公食大夫禮士虞禮特牲饋食禮論語鄉黨等書無煩贅說惟古文𩚑字經典似有用其字者而字作𩚑不作𩚒如禮記郊特牲腥肆爛𩚑祭儀禮聘禮記唯羹飪筮一尸鄭注古文飪作𩚑詩楚茨毛傳亨飪之也釋文飪本又作𩚑推其原當本是𩚑字故聘禮注曰古文今之作𩚑恐俗變寫所作○古文又作𩚒殊不可解此字又見心部云𩚒下齋也从心任聲班固典引亦宜勤𩚒旅力蔡邕注𩚒思也後漢書班固傳章懷注又云𩚒念也引說文當攷因思詩四牡將母來𩚒毛傳云𩚒念也爾雅釋言同是从任聲之

字亦往往从念聲則𢇛爲古文飪字雖不可解而𢇛之从念作𢇛亦六書之理所應有也

饗孰會也从會離聲

今經典作饗詩祈父有母之尸饗周禮天官內饗外饗掌客饗餼九牢公羊昭二十五年傳餼饗未就之類亦作雍儀禮少牢饋食禮雍人特牲饋食禮有司徹雍正饋食記雍爨禮記聘義設雍餼之類又作𢇛國語周語佐𢇛者嘗焉之類按雍卽𢇛之隸變作雍作𢇛饗之假借饗亦饗之隸變固一字也然究當作饗爲正

餼飴和餼者也从會易聲

徐盈切

今詩有瞽鄭箋如今賣餼者所吹也各本皆同然舊本

如相臺岳氏轉有从易作餽者此誤也毛居正轉以賣餽爲是作餽爲誤疏矣不可不表說文以正之

饔酒會也从會喜聲或从甌作餽或从米作糒

今經典多从說文正字作饔其偶有作糒者詩元鳥大糒是承是也周禮地官序職用餽字而又變作饔

簠具會也从會算聲或从𠂔作餽

今經典皆从或體而又變作饔無从本字作簠者儀禮最多簠字而少牢饋食禮簠者奠舉于俎皆答拜士昏禮賈疏引作簠从竹頭與說文大致相合但筆省耳是凡儀禮簠字恐本作簠又鄭注每於簠字云古文簠作餼而論語爲政先生饔鄭本饔作餼見釋文是簠饔本

一字故皆與餽字通儀禮之羹斷作羹字無疑九經字樣收羹於甘部云羹音俊與餽同見儀禮亦誤

飫糧也从人會

今經典統用食字周禮膳夫掌王之食飲膳羞邊人饋食之邊饋食之豆掌客食四十禮記曲禮食居人之左郊特牲凡食養陰氣也左桓二年傳粢食不鑿論語雍也一簞食述而飯疏食鄉黨食不厭精此類食字皆飫字也今皆作食發圈讀之五經文字飫因志反今經典通以食字爲之

饋以羹澆飯也从會贊聲

按今經典有餐字音與饋字同義爲食物濡湯汁周禮

玉人鄭注瓚讀爲饗饗之饗賈疏醢人職有饗饗漢時有膏饗禮記內則鄭注狼臠膏臠中膏也以前煎稻米則似今膏饗矣釋文饗作旦反音贊攷說文無饗字此饗卽饗字也集韻二十九換云饗說文以羹澆飴一曰以膏煎稻爲醢也古作饗饗是饗乃饗之古文故鄭禮注嘗用之但說文偶失收耳玉篇食部亦以饗爲饗之古文饗與饗原屬一字且據二書更見自古相傳饗饗畢竟以饗爲正字也

𩚑舖也从夕食

按說文舖字解云日加申時食也周禮宰夫鄭注飧夕食也詳其義言人旦則食飯夕則食飧飧爲飯別名詩

伐檀釋文引字林云、飧、水澆飯也、釋名釋飲食云、飧、散也、投水于中解散也、故史記淮陰侯傳集解如淳云、小飯曰飧、列子說符篇云、見而下壺、飧以饋之、此夕食之義也、故其字从夕、食、今經典多作飧、誤矣、李文仲云、增韻作飧、毛居正云、案說文、𠂔、隸作𠂔、午達切、飧當从夕、非从𠂔、今文皆用之、何也、

舖日加申時會也从會甫聲

今經典作脯、左昭五年傳、故有十時、亦當十位、杜注、脯、時爲僕、孔疏、脯、謂食也、脯、時、謂日西食時也、兩漢書作舖、後書王符傳、章懷注云、舖、謂日加申時也、今爲脯字也、

說文解字 卷十
餐吞也从會奴聲或从水作滄

詩伐檀不素餐兮作餐足利本作滄餐滄一字也俗更有作飡者卽飡字之譌而師古等注漢書不知飡爲俗字往往謂飡與餐同餐飡一字失之不審矣

饌燕會也从會芙聲

書序有藁飮詩常棣飲酒之飮左襄二十八年傳加膳則飮賜國語周語王公立飮昔武王克殷而作此詩也以爲飮歌晉語繹不盡飮則退爾雅釋言飮私也正字竝當作饌經典又作饌詩角弓如食宜饌說文無饌字饌燕會也从會芙聲 醑私宴飲也从酉區聲

按二字音義俱同蓋一字也今經典少作醑者惟詩常

棣飲酒之飫韓詩作醕云能者飲不能者已謂之醕見
文選魏都賦劉淵林注惟本一字故通用也角弓如食
宜饌說文無饌字或隸體之變參用饌醕兩字也

饗食也从食號聲或从口刀聲作叨

今俗以饗叨爲二字故華嚴經序音義引韻圖有叨忝
也之訓此俗用叨字之義也今經典自作一字用左文
十八年傳謂之饗饗杜注食財曰饗書多方叨憤曰欽
孔傳訓食叨與饗字無異是慧苑所述非古義也蓋自
廣韻以饗訓食財叨訓濫分爲二字于是後代字書遂
無不遵之矣

飫食也从會殄省聲

今左文十八年傳作饔

饔飩也从會委聲一曰魚敗曰饔

今經典作饔如左桓六年傳今民饔而君逞欲宣四年傳不其饔而論語衛靈耕也饔在其中矣鄉黨魚饔而肉敗爾雅釋器魚謂之饔之類皆是說文無饔字漢書饔皆作饔見魏相谷永及西南夷等傳經典亦有作饔者國語楚語民之羸饔日日已甚五經文字云今經典相承以饔爲饔餉之饔別作饔爲飢餓字

飢餓也从會几聲

居夷切

饑穀不孰爲饑从會幾聲

居衣切

按二字俗或互用然經典尚多不誤如書舜典黎民阻飢詩衡門可以樂飢孟子告子飢餓不能出門戶竝从

几聲詩兩無正降喪饑饉雲漢饑饉荐臻論語先進因之以饑饉春秋襄二十四年傳大饑公羊傳有死傷曰大饑無死傷曰饑穀梁傳二穀不升謂之饑禮記檀弓齊大饑竝从幾聲然則古自有分別故玉篇廣韻皆與說文同自類篇集韻以飢通作饑至韻會直謂饑飢字異而義同羈機韻異而音同轉以舊注飢饑不同者爲非是於是喜茂密者作饑趨簡便者作飢而古字遂亂矣

飢會馬穀也从食末聲

今經典作秣詩漢廣言秣其馬鴛鴦摧之秣之周禮太宰七曰芻秣之式禮記少儀馬不常秣左成十六年傳

秣馬利兵、公羊宣十五年傳、秣而秣之、國語吳語令秣馬、食士之類皆是、說文無秣字、作𥝵爲正。

會部

𥝵日月合宿爲𥝵

今本作辰譌

从會从辰辰亦聲

今經典凡日月所會謂之辰、皆此𥝵字、作辰假借、部首辰、震也、三月陽氣動、蠱電振、民農時也、物皆生、从乙、七象芒達、广聲也、辰房星、天時也、从二、二古文上字、義異、玉篇云、𥝵日月會也、今作辰、集韻一遵說文、但以經典𥝵作辰、故云通作辰、實則日月所會、正字當作𥝵也。

倉部

倉穀藏也、倉黃取而藏之、故謂之倉、从倉省口象倉形。

今經典多作倉變食省口形之字爲从△从君雖宋本亦所不免此大謬也作倉爲正

𧇖鳥獸來會聲也从倉升聲虞書曰鳥獸𧇖𧇖

今書益稷作𧇖𧇖釋文云說文作槍鳥獸求食聲槍乃𧇖字之相傳寫刻譌槍說文木部𧇖也从木倉聲一曰槍櫬也義迥異求食來食之譌至今本𧇖字說文足部𧇖動也从足倉聲義亦可通

人部

人內也象从上俱下也

人計切

今經典作人隸變石經論語殘碑口口出入可也政如此作後遂因之

內入也从口自外而入也

古出納之納亦卽作此今經典多作納按納說文糸部云絲溼納納也从糸內聲蓋卽錯綴補納字與出納義異經典亦有作內者論語堯曰出內之吝孟子萬章若已推而內之溝中此正字也

仝完也从入从工篆文从王作仝純王曰仝

今經典多作仝从篆文而又變入爲人按从人之仝蓋卽道書同字廣韻云仝同之古文出道書與仝字異則字斷从入不从人也其誤亦始漢隸曹全碑君諱仝如此作後遂因之六書正譌云仝从入工會意而五經文字收入部云仝從入下工今經典相承用仝字或作仝

譌與說文異則又不知其何所據也

缶部

匋瓦器也从缶包省聲古者昆吾作匋

周禮考工記有虞氏上陶禮記月令陶器必良孟子公
孫丑耕稼陶漁滕文公陶冶此類竝當作匋爲正今作
陶說文自部陶再成缶也在濟陰从自匋聲引書東至
于陶丘義異

甬小口罍也从缶叕聲

今經典作甬周禮凌人鄭注鑑如甬醢人鄭注塗置甬
中甬本亦作甬儀禮公食大夫禮疏引此注亦作甬說
文無甬字又匋祝疏塗置甬中甬本或作甬字書無甬

字亦甄字之譌正字當作𣪠

餅饗也从缶并聲或从瓦作甌

今經典多从或體如易井卦羸其甌儀禮士喪禮新盆
槃甌禮記禮器盛于盆尊于甌是也亦有作餅者詩蓼
莪餅之饗矣左昭二十四年傳引詩亦同

矢部

𣪠弓弩發於身而中於遠也从矢从身篆文从寸作射寸
法度也亦手也

今經典从篆文作射

侯春饗所𣪠侯也从人从厂象張布矢在其下

今經典作侯按漢隸無作侯者此直俗字也字鑑云俗

作侯九經字樣作侯固不失說文之意而不解六書者遂譌爲侯

𠄎況也詞也从矢引省聲从矢取詞之所至如矢也

今經典作矧如書大禹謨矧茲有苗仲虺之誥矧予之德大誥矧亦惟卜用矧今卜并吉詩伐木矧伊人矣賓之初筵矧敢多又抑矧可射思文爾雅釋言矧況也之類說文無矧字正字當作𠄎郭璞方言注云𠄎古矧字復古編及六書正譌竝云𠄎別作矧非

卩部

卩邑外謂之郊郊外謂之野野外謂之林林外謂之𠄎象遠界也或从土作𠄎

今經典从或體作垧爾雅釋地林外謂之垧書仲虺之
誥序至于大垧詩駟在垧之野

崔高至也从隹上欲出𠂔易曰夫乾崔然

按𠂔象遠界隹上欲出之故義爲高至夫乾崔然許君
正引易以明義也正字當作崔釋文引說文云高至而
不云說文作崔文言竝同是陸本本作崔故可不必云
說文作崔也且或唐本說文崔字下亦竝引文言也今
本周易兩處俱作確確乃礪之俗文見徐鉉礪字注復
古編及六書正譌竝同甚無義

高部

高獻也从高省𠂔象進孰物形篆文作𠂔

許兩切又善庚切又許庚切

今經典作亨亨二字亨爲獻亨亨爲亨通又爲亨飪九
經字樣云高獻也又音赫平通也又音魄平宰也從高
省象進熟物形說文亦作亨今經典相承隸省作亨音
響作亨音赫平又音魄平是也今按亨亨皆篆文亨字
之變以形相近本一字也經典亨亨分用亦後人強爲
釐析實則一字三音點畫毫無所異故婁機漢隸字原
云漢碑元亨字皆作亨至子孫享之之類又皆作亨亦
足見古人原作一字用也至俗亨飪字必从火作烹則
更非古六書之意矣說文玉篇廣韻俱無烹字至類篇
集韻始有之此俗字也

高獻也从高省曰象進孰物形篆文作亨 響鄉人飲酒

也从會从鄉鄉亦聲

據說文享饗二義截然不同今經典二字通用釋文享本又作饗者無慮數十計又如書無逸肆中宗之享國肆高宗之享國肆祖甲之享國厥享國五十年史記魯周公世家述之皆作饗周禮掌客上公三饗侯伯再饗子男一饗儀禮覲禮鄭注引之皆作享國語魯語天子所以饗元侯也周禮鍾師子春注引之亦作享蓋雖二字而秦漢諸儒直作一字用相沿固已久矣

𠂔部

𠂔長味也从𠂔臽省聲

今經典作𠂔九經字樣云說文作𠂔隸變作𠂔字鑑云

俗下从卑賤字作覃誤、

廩山陵之廩也从𠂔从厂

𠂔廩也从反𠂔

徐鍇曰𠂔者進上也以進

上之具反之於下則廩也

今經典祇有厚字、乃廩之變、據說文廩𠂔二字音同而義各別、如易坤卦坤厚載物、君子以厚德載物、禮記樂記窮高極遠而測深厚、中庸博厚所以載物也、博厚配地、此類正字當爲从𠂔从厂之廩、若如易繫辭傳厚之至也、厚衣之以薪、考工記輪人施膠必厚、弓人是故厚其液而節其芻、陶人旅人厚半寸、禮記曲禮以厚其別也、大學其所厚者薄、國語魯語不厚其棟、晉語彼得其情以厚其欲、此類當爲从反𠂔之𠂔、今經典無𠂔字、祇

混用厚、

高部

𪔐善也从高省亾聲

今經典作良隸省變、

亩部

亩穀所振入宗廟粢盛倉黃亩而取之故謂之亩从入回象屋形中有戶牖或从广从禾作廩

今經典从或體魏三體石經左傳遺字御廩裁如此作稟賜穀也从亩从禾

此爲稟穀之稟今經典往往作廩如禮記中庸旣廩稱事周禮校人鄭司農注稍食曰廩孟子萬章趙岐注廩

貧民之常料也之類、按廩、說文本作𡩋倉𡩋之𡩋或體作廩、稟穀正字當作稟、俗作廩字、有變禾爲示者、更譌𡩋齋也从口𡩋𡩋受也

按口音韋、周匝也、入皆受之𡩋而復口之爲齋也、此爲𡩋吝之𡩋、經典如孟子萬章盡心鄙夫寬、論語憲問鄙哉硜硜乎、此類皆當作此𡩋字、今作鄙、說文邑部鄙五、鄙爲鄙、从邑𡩋聲、義異、○俗以𡩋爲圖畫圖謀之圖、更誤、廣韻云、圖、俗作𡩋、佩觿云、𡩋吝之𡩋爲圖、其順非有如此者、按其誤亦始漢隸、韓勅後碑、改畫聖象、如古𡩋口、隸釋云、𡩋、卽圖字、

齋部

說文解字羣經正字卷十

古

嗇愛嗇也从來从畝來者畝而藏之故田夫謂之嗇夫

今經典作嗇隸省漢書通用爲稼穡字作嗇律麻志云
稼嗇蕃息經典又作穡左僖二十一年傳務穡杜注穡
儉也昭二年傳大國省穡而用之杜注穡愛也假借字
來部

𦵏詩曰不𦵏不來從來矣聲或从彳作𦵏

此蓋卽爾雅釋言文因解詩而譌今釋言不𦵏作不俟
蓋从或體而又譌彳爲亻也釋文作不𦵏云待也宜從
來詩采薇作不來則又𦵏字之脫矣而成來耳辯詳引
詩攷證

文部

夏行故道也从攴畱省聲

復往來也从彳夏聲

竝房六切

復重也从彳復聲

扶富切

今經典統用復字詳說文義熟復習復作復論語先進南容三復白圭孔注三反復之國語魯語夕而習復韋注復覆也又詩蓼莪顧我復我鄭箋復反覆也皆往來之義故許于徕字下又云復也徐鍇曰徕猶蹂也往來蹂踐之也亦此義也反復還復作夏易復何妥注復者歸本之名衆上傳復其見天地之心乎王注復者反本之謂也繫辭下傳復德之本也韓注復者各反其所始書舜典卒乃復孔傳復還也詩黃鳥復我邦族我行其野言歸思復傳箋復反也禮記玉藻復不過時鄭注復

反也。論語顏淵克己復禮。皇疏復猶反也。公羊襄三十年傳死者不可復生。何注復者如故時。國語晉語其卒將復。楚語王止而後復。韋注復反也。爾雅釋言復返也。皆行故道之義。又復重復作徧。左桓十七年傳復惡已甚矣。杜注復重也。本爲昭公所惡而復弑君重爲惡也。僖三十三年傳復與之冀。釋文復重也。定四年傳無復怒。杜注復重也。又僖九年傳能欲復言而愛身乎。杜注復言言可復也。亦謂不可重復言也。論語雍也如有復我者。皇疏復又也。爾雅釋言徧復也。郭注徧伏復爲此。皆重徧之義。自後人廢夏徧不用。于是還夏重徧諸義。統歸復字矣。五經文字謂字書又復之復作徧。

今本作復

從勺、久不行、不知字書有字而久不行者、又有夏字也、復作復、隸變漢韓勅碑有之、五經文字云、說文作復、石經作復、

𡗗越也从文从𠂔𠂔高也一曰𡗗倻也

經典多作陵、或作𡗗、禮記檀弓喪事雖遽不陵節、學記不陵節而施之謂孫、樂記迭相陵謂之慢、周禮大司馬犯令陵政、國語周語夫人性陵上者皆以陵爲𡗗也、以𡗗爲𡗗多見秦漢子史、竝當作𡗗爲正、陵自部云大阜也、𡗗久部云冰出也、義竝異、以陵遲爲𡗗倻亦見秦漢子史、又左昭十八年云國不競亦陵、

致送詣也从文从至

說文解字羣經正字卷十

去

今經典从攴作致按攴部首云行遲曳攴攴象人兩脛

有所躡也

楚苦切

攴攴之隸變部首云攴小擊也从攴卜

聲

音木切

五經文字云說文作攴石經作攴攴攴筆迹小

異而音義迥別不宜混用从攴作致此俗譌也

憂和之行也从攴惠聲

此乃憂和字今經典作優詩長發敷政優優毛傳優優

和也爾雅釋言優優和也據說文當作憂以字从攴惠

聲故爲和之行所謂和氣游也今作優而憂爲憂愁之

憂隸又變作憂五經文字云說文作憂石經作憂

騶絲也舞也樂有章从章从攴詩曰騶騶舞我

今詩伐木作坎坎釋文云說文作騶音同繫傳云今作

坎坎假借此會意今按伐檀詩坎坎伐輪兮石經魯詩作欲欲此等字類取聲同惟伐木正字當作𣪠𣪠玉篇

𣪠部云𣪠和悅之響也今作坎亦專指此詩也

𣪠中國之人也从𣪠从頁从白白兩手𣪠兩足也

今經典省筆作𣪠玉篇云𣪠今作𣪠

𣪠斂足也𣪠鵙醜其飛也𣪠从𣪠兌聲
𣪠鵙醜其飛也𣪠爾雅釋鳥文𣪠今本作𣪠釋文本作
𣪠云字林作𣪠正字當作𣪠無四點凡从𣪠聲之字皆
準此與𣪠字異

𣪠貪獸也一曰母猴似人从頁已止𣪠其手足

詩角弓母教猱升木爾雅釋獸猱蜃善援豪頌猱狀猱

竝當作夔爲正。又禮記樂記及優侏儻獶雜子女鄭注云獶獶猴也。今按此字乃後人加才爲獶而又誤爲獶也。說文犬部固有獶字然音同而義異。犬部云獶獶獶也。獶犬獶獶咳吠也。義與夔迥別。至獶獶字說文所無。又說文犬部云猴夔也。

夔神魑也如龍一足从夂象有角手人面之形

今經典作夔書舜典夔龍大禹謨夔夔齋慄國語魯語木石之怪曰夔左傳二十六年傳楚人滅夔之類皆是。正字當作夔六書正譌云俗作夔非。

舛部

舛對臥也从夂中相背揚雄說舛从足舛作踳

今經典中僂字蓋卽此字周禮典瑞兩圭有邸注僂而同邸疏各自兩足相向考工記玉人兩圭五寸有邸注有邸僂其本也疏亦一玉俱成兩圭足相對爲僂也禮記王制雕題交趾注交趾足相向然浴則同川臥則僂疏僂者言首在外而足相鄉內是皆說文又牛相背之義玉篇云僂與舛同六書正譌云舛別作踳僂非

牽車軸耑鍵也兩穿相背从舛爲省聲爲古文僕字 轄車聲也从車害聲一曰轄鍵也

今經典二字竝用但牽作牽詩泉水載脂載牽車牽間關車之牽兮上从士下从牛大非制字之意轄多作轄詩節南山鄭箋尹氏爲周之桎轄孟子趙岐題辭論語

者五經之館鐫左哀三年傳巾車脂轄釋文轄本又作鐫說文無鐫字正字當作牽或作轄轄一曰鍵也鍵卽車軸耑鍵說文金部云鍵鉉也一曰車轄。牽轄古字通用詩小雅車牽左昭二十五年傳作車轄云昭子賦車轄釋文本又作牽詩泉水載脂載牽文選潘正叔贈陸機詩牽作轄李善注引詩同漢書天文志注引晉灼牽古轄字然則牽轄古今字而許氏兩存之也

𨾏部

𨾏艸也楚謂之菑秦謂之蔓蔓地連萼象形从舛舛亦聲今經典作𨾏隸變五經文字云𨾏說文𨾏經典相承隸省

駢莠榮也从駢生聲讀若皇爾雅曰駢莠也或从艸皇作

莠
戶光切

今爾雅釋言作皇云皇華也釋艸作莠云莠華榮按莠
卽駢之或體皇又莠之省文實一字也正字當作駢其
變自爲白則古有黑白之白有與自同之白此乃與自
同之白故孟和鍾銘秦權銘秦嶧山碑皇考皇帝亦作
皇也近代字書以爲今文省作皇失之

韋部

韋相背也从舛口聲獸皮之韋可以束枉戾相韋背故借
以爲皮韋

今經典韋背用違字而韋字祇爲皮韋

韎茅蒐染韋也一又曰韎

此處恐有闕誤據馬氏本五經文字韎字下述說文是一入日

韎左成十六年杜注一从韋末聲

今經典多从未聲唐石經亦同據說文當从未聲作韎

五經文字亦作韎音末則正字當作韎

韜劔衣也从韋音聲 弣弓衣也从弓从攴攴垂飾與鼓

同意

今經典弓衣之弣亦作韜詩彤弓毛傳囊韜也釋文韜

弓衣也時邁毛傳囊韜也孔疏囊者弓衣一名韜故內

弓於衣謂之韜弓是也又有作緇者禮記檀弓南宮緇

儀禮士昏禮鄭注纚緇髮乃韜之俗變說文無緇字類

篇謂條之或體猶為近是與韜作一字用無義至士昏

禮釋文緇本又作𡗗禮記喪大記釋文韜本又作𡗗此
又從𡗗之省聲同假借而張忠甫作儀禮識誤於士冠
禮鄭注韜髮下謂其字不爲𡗗則爲緇今之爲韜未之
孰據直未翻見說文矣𡗗說文見又部云滑也引詩𡗗
兮達兮从又中一曰取也土刀切與韜𡗗但聲同耳
𡗗收束也从韋樵聲讀若酋或从要作𡗗或从秋手作𡗗
按說文手部自有𡗗字云束也从手𡗗聲引詩百祿是
𡗗據此韋部乃𡗗之或體義竝同今經典無𡗗𡗗字有
𡗗字爾雅釋詁𡗗聚也禮記鄉飲酒義秋之爲言愁也
鄭注愁讀爲𡗗歛也均用說文或體漢書作𡗗律厯志
云秋𡗗也物𡗗歛乃成孰𡗗乃𡗗之本字

韓井垣也从韋取其帀也軌聲

今經典作韓竝假借爲國邑名詩韓奕韓侯受命左桓三年傳韓萬御戎五經文字云韓經典相承隸省然漢隸尚有作韓者不盡省作韓也作韓者見樊敏韓勅等碑作韓者見樊安楊君等碑

弟部

弟韋束之次第也从古字之象

今經典作第左哀十六年傳楚國第國語周語第以及羽由是第之皆其字也說文無第字正字當作弟周易上經乾傳第一釋文第亦作弟此古字之遺

累周人謂兄曰累从弟从累

今經典作昆、詩葛藟謂他人昆、儀禮喪服昆弟論語先進人不閒於其父母昆弟之言、國語吳語其父子昆弟不相能、亦作舅、見爾雅釋親、按昆、說文日部云、同也、从日从比、徐鍇曰、日日比之是同也、與舅異義、作舅者隸省、

父部

夆服也从父干相承不敢竝也

下江切

降下也从自夆

聲

古巷切

夆爲夆服之夆降爲降下之降、詩草蟲我心則降、出車我心則降、春秋莊八年夏師及齊師圍郕、郕降于齊師、三十年秋七月齊人降鄆、左襄三十年傳於是歲在降

婁釋文降戶江反爾雅釋天降婁奎婁也郭注奎爲溝
瀆故名降釋文降戶江反此夆服之夆也書堯典釐降
二女于媯汭金縢無墜天之降寶命詩崧高維嶽降神
元鳥降而生商周禮保章氏降豐荒之祲象司巫掌巫
降之禮儀禮士冠禮降西階一等鄉射禮上射降三等
禮記曲禮客若降等樂記降興上下之神此降下之降
也今經典統作降凡作夆服義者祇發圉讀之而夆字
遂廢不用

乃秦以市買多得爲乃从了从父益至也詩曰我乃酌彼
金罍

按此卽市沽之沽盈字从此說文皿部云盈滿器也从

皿乃徐鉉曰乃古乎切蓋多之義也古者以買物多得
爲乃故从乃則許雖引詩我乃酌彼金罍今文作姑其
實乃沽之本字也今經典作沽論語子罕求善買而沽
諸沽乃水名說文水部沽水出漁陽塞外東入海从水
古聲與市沽義迥異正字當作乃論語求善買而沽諸
玉篇欠部引作乃云今作沽是顧野王孫強等固以乃
爲沽之古文也但玉篇引說文義先列且也一訓是猶
惑於今詩文作姑耳又攷郭忠恕汗簡夏竦古文四聲
韻載石經有𠂔字一見欠部一見十一模亦髣髴似說
文乃字但釋𠂔爲姑亦泥於今之詩文也

于午步

今本作
跨步譌

也从反欠辭从此 跨渡也从足夸聲

予跨古今字其實一也今經典統作跨左昭十三年傳
康王跨之杜注過其上也國語晉語不跨其國可謂挾
乎韋注跨猶據也又爾雅釋畜驪馬白跨驕郭注跨髀
閒詩駟毛傳釋文引蒼頡篇云跨兩股閒也雖義有動
靜之分而要皆一字也五經文字云說文作踣經典相
承隸省作跨今考說文祇有予字並無踣字豈唐本說
文跨作踣歟然偏旁从大从牛於義無取說文亦無其
字不當有踣字姑存以備攷可也

久部

久从後灸之象人兩脰後有距也周禮曰久諸牆以觀其
橈

今周禮考工記廬人作灸鄭注灸猶柱也以柱兩牆之間輓而納之本末勝負可知也與許義比附而字各異攷說文灸字訓灼从火久聲卽素問異法方宜論治宜灸燭之灸王冰云火艾燒灼謂之灸燭與灸諸牆義不相入蓋緣俗儒習見久爲長久少見從後相距之義疑久諸牆灸者救也灸尚可通必本作灸而簡爛漫作久故校改作灸不知從後相距實久字之本訓古人原多用之如儀禮士喪禮冪用疏布久之旣夕皆木桁久之鄭注皆謂蓋塞其口亦抵距之義故皆曰久惟鄭一則曰久讀爲灸再則曰久當爲灸殊不可解豈許意在正字學故不肯循俗鄭意重明經義不妨從俗以令人易

曉邪然則久距作灸實自漢時已然而士喪既夕之久不統改作灸尚賴此注之存也

桀部

桀覆也从入桀桀黠也軍法曰桀

今經典惟爾雅作桀如釋邱如桀者桀邱釋草望桀車釋獸時善桀領之類餘皆作乘或作乘五經文字云說文作桀隸省作乘按隸魯峻碑陰濟陰乘氏景北海碑陰乘禹字伯度如此作後遂因之

說文解字羣經正字卷十終

說文解字羣經正字卷十一

餘姚邵瑛學

木部

榼果似梨而酢从木盧聲

今經典禮記內則榼梨作榼又曰榼梨曰攢之作榼葛
蕭秦鑊等本竝同一事兩書此甚謬也經典釋文唐石
經宋槧本岳珂本等前後竝作榼亦謬攷說文本部榼
木閑也从木且聲徐鍇繫傳云閑闌也榼之言阻也集
韻云以木爲闌此其義榼說文無其字後代訓詁家多
以榼卽槎蘂之槎俱與榼梨迥異爾雅釋木榼梨曰鑽
之作榼此正字也陸氏釋文云榼字亦作查按查當作

查卽杻之變文今从木从旦此俗查字所由始大謬

柿赤實果从木市聲

今經典作柿禮記內則聚栗榛柿五經文字作楨正字當作柿按市說文作米止也从米盛而一橫止之也卽里切市說文作市買賣所之也市有垣从冂从匕匕古文及象物相及也止省聲隸作市上从一點與之字隸變同時止切偏傍惟鬧字从市他如肺沛等字則从市市說文作米艸木盛米米然象形八聲隸作市中閒通作一直普活切與市字異說文又有糝字隸作柿亦見本部削木札櫟也从木市聲芳吠切其字尤易與柿字相混今經典以柿爲柿蓋本以柿爲柿而又誤作柿此

謬中之謬說文無柿字

枌梅也从木丹聲

枌俗作楠爾雅釋木梅枌諸本多作枌陸氏釋文本亦作枌按丹說文部首云毛丹丹也凡衰那聃荇頤蚡之類从此偏旁作冉者乃从萇省之字如再稱偁字乃从萇省不从丹也不得相混

柔果實如小栗从木辛聲

今經典作榛詩定之方中樹之榛栗周禮籩人饋食之籩其實棗栗桃乾蓀榛實禮記曲禮婦人之摯棋榛脯脩棗栗內則芝栭菱棋棗栗榛柿瓜桃李梅杏楂梨薑桂左莊二十四年傳女贄不過榛栗棗脩正字當作柔

榛說文本部云木也从木秦聲一曰叢也按叢與藁同淮南原道訓隱於榛薄之中高誘注藁木曰榛決草曰薄是也則凡藁木義如旱麓詩榛楛濟濟之類當作榛果實不得作榛也廣雅字林亦分爲二廣雅釋木云木藁生曰榛柔卓也詩鴉鳩釋文引字林云榛木藁生也柔似梓實如小栗

揆木也从木癸聲又度也

按揆木名而義又爲度則凡經典揆度如易繫辭初率其辭而揆其方書舜典納于百揆禹貢三百里揆文敘詩定之方中揆之以日左文十八年傳以揆百事孟子離婁其揆一也爾雅釋言揆度也此類皆當从木作揆

徐鍇繫傳云、尺度用木、故以楔爲度是也、今作揆、說文
手部、揆、葵也、从手癸聲、據詩采菽、天子葵之、毛傳訓葵
爲揆、則葵仍爲度義、自無不可通、然說文大例祇用直
解、無此假借義、訓恐有誤字、艸部云、葵、菜也、从艸癸聲、
豈有以艸部之葵、訓手部之揆者、不可通也、當更詳之、
樛、木也、从木虜聲、丑居切、

今經典作樛、詩七月采芣薪樛、我行其野、蔽芾其樛、爾
雅釋木、樛、山樛、正字當作樛、今作樛、本部、樛、木也、以其
皮裹松脂、从木雩聲、讀若華、或从萑作樛、徐鉉平化切、
音義俱異、五經文字、木部、樛字下、不加糾正、釋作丑餘
反、木名、疎矣、

藁木也从木藁聲

今經典省作藁爾雅釋木諸慮山槩楫虎槩據說文當作藁

檟楸也从木賈聲

今經典多如說文作檟如左襄二年傳穆姜使擇美檟四年傳初季孫爲已樹六檟於蒲圃東門之外哀十一年傳樹吾墓檟孟子告子舍其梧檟之類然往往有作檟者爾雅釋木栢山檟槐小葉曰檟小而散檟考工記鄭注梓檟屬也說文無檟字正字當作檟復古編六書正譌竝云檟別作檟非○又按爾雅釋木檟苦茶似以楸屬作檟苦茶作檟未知其審

梓楸也从木宰省聲 李果也从木子聲古文作𣎵

今經典有梓𣎵通用者周書梓材尚書大傳作𣎵釋文云梓本亦作𣎵馬云古作梓字孔疏此古𣎵字今文作梓按此乃聲同假借通用據說文截然兩字梓材祇當作梓不作𣎵

櫨梓屬大者可爲棺槨小者可爲弓材从木音聲

於力切

今經典作櫨周禮考工記弓人凡取幹之道七柘爲上櫨次之爾雅釋木柎櫨正字當作櫨以音爲聲者說文言部云音快也从言从中於力切今作櫨說文本部櫨

枕也从木意聲義異

梲山櫨也从木尻聲

苦浩切

詩山有樞山有栲南山有臺南山有栲毛傳竝云栲山
栲爾雅釋木栲山栲正字皆此栲字也說文無栲字○
山樛繫傳本作山栲誤今從大徐本

柔栩也从木予聲

今經典作杼爾雅釋木栩杼詩鵠羽集于苞栩毛傳栩
杼也東門之枌宛邱之栩毛傳栩杼也杼正字當作柔
杼本部云機之持緯者从木予聲音同義異其形聲雖
止上下左右之分不得混亂

樣栩實从木業聲栩柔也其實阜一曰樣

今經典作椽周禮地官序官掌染草鄭注染草藍蒨象
斗之屬釋文象本或作椽又爾雅釋木孫炎注櫟實椽

也說文無椽字正字當作椽玉篇以椽爲正字椽爲重
文竝辭兩切復古編六書正譌竝云椽別作椽非

椽羅也从木豕聲詩曰隰有樹椽

今詩晨風作椽爾雅亦作椽釋木云椽蘿作椽爲正、

樸棗也从木僕聲

博木切

今爾雅作樸釋木云樸枹者郭璞謂卽詩所謂棫樸言
枹樸也徐鍇繫傳謂許君以樸爲棗是爾雅舊注在張
揖以前故與郭璞不同則正字當作樸且說文本部有
樸字云木素也从木羹聲匹角切音義俱異則凡詩中
樸檉棫樸爾雅釋木又云檉樸竝當作樸爲正釋木檉
樸陸氏本作樸云本今作樸

檮木也以其皮裹松脂从木雫聲讀若華或从蔓作樓手化切

據說文此卽俗行樸字之正字木皮可以爲燭者今經典中樸字如詩七月采芡薪樸我行其野蔽芾其樸毛傳皆以爲惡木則所謂臃腫不中繩墨者釋文音勑書反與樸字音義俱異至樓字又別一字爾雅釋木樓落郭注可以爲杯器素又詩大東無浸磯薪毛傳磯艾也鄭箋磯落木名也釋文鄭義字宜作木旁則亦樓字也陸璣疏云樓柳榆也其葉如榆其皮堅韌剝之長數尺可爲絙索其材可爲杯器釋文竝音戶郭反與樸字音義又異

槩黃木也从木辟聲

博尼切

今經典作藥考工記旃人鄭司農注辟讀爲藥黃藥之藥按說文無藥字祇有槩字乃櫟之或體義爲伐木餘五葛切見本部音義俱異以藥爲槩相傳寫刻譌

柳小楊也从木𠂔聲𠂔古文西

今經典作柳變𠂔爲𠂔按𠂔音卿卿字從之隸譌以爲寅𠂔之𠂔而從𠂔之字亦譌爲𠂔此隸變之最失者六書正譌但知今之柳字𠂔變𠂔爲非不知𠂔與𠂔尚屬諧聲相同𠂔與𠂔乃別一字不可卽爲寅𠂔字詳說文部首與聲遠矣

穀楮也从木殼聲

今經典或誤作穀詩鶴鳴其下維穀黃鳥無集于穀書咸父序桑穀共生于朝皆相傳寫刻譌也五經文字云說文作槩經典相承隸便作穀移木在左非禾字也按今說文篆亦祇作穀並不作槩豈唐本與今本異歟
朽木也一曰車軻會也从木可聲

考工記輪人牙也者以爲固抱也據說文可當作此
榼榼味稔棗从木還聲

今爾雅釋木作還味稔棗陸釋文本作還味稔棗唐石經作還味稔棗元朗云還字林作榼不知呂忱實原本說文也

柏鞠也从木白聲

此字經典固多不誤然往往有作栢者故五經文字云
栢經典相承亦作栢廣韻亦云栢亦作栢漢隸二字並
用桐栢廟碑立廟桐栢作栢堯廟碑列種栢樹作栢故
經典混用不可不援說文以定之

栢桎栢也从木刃聲

按詩將仲子毛傳檀彊韌之木陸氏釋文本作彊忍云
本亦作刃依字木旁作刃按木旁作刃政說文木部栢
字韋部雖有韌字然字在新附徐鉉所增非說文正本
字也六書正譌作栢云堅柔也从刃刃聲俗作韌非考
栢之爲字古書往往有之管子地員篇淖而不栢心術
篇筋栢而骨強一切經音義卷十四引通俗文柔堅曰

𠂔則𠂔自是古字然說文𠂔部不載則亦非正字也經典多假借作忍詩抑鄭箋柔忍之木荏染然周禮山虞鄭注服與耜宜用穉材尚柔忍也亦作刃見詩抑及將仲子釋文然說文心部忍能也部首刃刀堅也用爲柔忍柔刃究係轉借義將仲子釋文引沈重音義又謂系𠂔作刃爲是按糸𠂔刃音女巾反離騷云紉秋蘭以爲佩是也陸德明已言之且說文糸部云紉縶繩也从糸刃聲女鄰切音義亦同則沈重之說更可不必辨合考諸說則陸氏木𠂔作刃之說爲近之但桎𠂔據字書爲木名未知此木名桎𠂔之義如何耳姑緣陸氏之說存以備攷

柢木根也从木氏聲

此字經典本無所誤然有作抵者如周禮泉府買者各從其抵此卽柢字之誤康成謂抵實柢字柢本也是也有作氏者詩節南山維周之氏此卽柢之省柢抵氏三字古多通用故周禮毛詩如是據說文各別爲字手部抵擠也从手氏聲部首氏至也从氏下箸一一地也
杈枝也从木又聲

今經典作杈周禮鼈人注鄭司農云箝謂以杈刺泥中搏取之陸氏釋文本亦作杈按又說文在又部云手指相錯也从又象又之形俗作义非字也杈作杈爲正
枝幹也可爲杖从木从支詩曰施于條枝

今詩汝墳作枚行枚枚枚書枚卜周禮銜枚鐘枚左傳枚數俱作枚按凡偏旁从支之字作攴自是隸書如此然他字多知攴作攴枚字从支則少見多怪矣故表之棐槎識也从木𠄎闕篆文从𠄎作棐

今經典作刊而又或誤作刊書益稷禹貢隨山刊木又禹貢九山刊旅左襄二十五年傳井堙木刊之類正字當作棐棐隨山刊木史記夏本紀漢書地理志竝作棐九山刊旅史記漢書亦作棐師古以棐爲古刊字不知說文棐與刊自是二字刀部云刊剡也繫傳剡字下引商子曰有敢剡定法令者死又引吳越春秋曰削剡之利剡持有所刊也則儀禮士喪禮重木刊鑿之旣夕記

抗木刊禮記雜記刊其柄與末之類正字當作刊而隨刊刊旅之類不當作刊也俗作刊更誤玉篇刊七見切切也毛晃曰刊從干戈之干作刊非

桑木葉搖白也从木聶聲

今經典作攝爾雅釋木楓攝攝又云攝虎梟皆是陸氏釋文引說文云楓木厚葉弱枝善搖又云攝本又作桑此正字也

楨木頂也从木眞聲一曰仆木也

按一曰仆木書盤庚若顛木之有由槩顛正字當作楨又借顛亦可說文足部顛跋也从足眞聲漢書貢禹傳一旦蹶仆是其義也惟不當借顛字說文頁部顛頂也

从頁眞聲無仆木義

搖樹動也从木𣎵聲

徐鍇繫傳云物之易搖無過於木故木之動搖自爲一字也按說文手部自有搖字訓動此獨出搖字訓樹動故楚金云云搖字于經典少見惟國語晉語搖木不生危韋昭注搖木大木也此外或如大戴禮武王踐阼篇若風將至必先搖搖或當作此搖字也

樛下句曰樛从木𣎵聲 杗高木也从木𣎵聲

據說文二字音同義異今經典二字通用詩樛木毛傳木下曲曰樛爾雅作杗釋木云下句曰杗詩釋文木下句曰樛馬融韓詩本竝作杗爾雅釋文杗本又作樛同

是二字通用。正字木下曲祇作𣎵。詩釋文既引馬融韓詩又曰說文以杲爲木高蓋亦有糾正之意。

桂哀曲也从木圭聲

今經典作枉。漢隸議郎元賓碑退不枉尺直撓政如此作俗遂因之。

撓曲木从木堯聲

女教切

撓擾也从手堯聲

奴巧切

按从木者枉撓之撓从手者撓擾之撓本二字也。今經典往往混用。如國語晉語抑撓志以從君。孟子公孫丑不膚撓。考工記輪人爲蓋。鄭注其弓菑則撓之。禮記學記鄭注仍見其家撓角幹也。皆義爲撓曲之撓而字作撓。擾之撓又如禮記月令毋或枉撓。淮南時則訓作無

或枉撓如此之類往往而有皆形近相溷而字書家不察如月令釋文撓女敎反又乃絞反字林作撓非五經文字手部不收撓字祇於木部收撓字發論云枉撓之撓女絞反俗從手者撓擾之撓火刀反一以爲俗一以爲字林之譌亦不檢照說文矣

杕樹兒从木大聲

今經典多作杕詩唐風有杕之杜鹿鳴之什有杕之杜字鑑云从小大之大監本从犬誤

榘木相摩也从木執聲或从艸作櫨

今經典作槩考工記輪人牙得則無槩而固不得則有槩必足見也注鄭司農云槩撥也蜀人言撥曰槩又穀

大而短則擊注鄭司農云擊讀爲槩謂輻危槩

今本也誤擊也

據說文當是槩字木相摩切亦有危槩不安之意經典
蓋變槩爲槩以左形右聲爲下形上聲而又譌執爲執
枯槩也从木古聲夏書曰唯箇輅枯木名也

今書禹貢作楷孔傳楷中矢榦釋文楷音戶馬云木名
可以爲箭正義肅慎氏貢楷矢知楷中榦而說文楷作
枯訓槩考周禮夏官有槩人鄭司農云槩讀爲芻槩之
槩箭榦謂之槩此官主弓弩箭矢故謂之槩人又考工
記總目矰胡之矰杜子春云矰讀爲槩謂箭槩矢人以
其矰厚爲之羽深康成云矰讀爲槩謂矢榦古文假借
字則枯訓爲槩許意卽箭槩與孔馬字異而義同正字

當作枯。說文竹部引此經作楷，與今本同。乃參用異文，非正字也。本部有楷字，云木也。从木苦聲。引詩榛楷濟濟。彼釋文引陸璣草木疏云：楷木莖似荆而赤，其葉如蓍。上黨人蔑以爲莒箱。又屈以爲釵。孔疏亦同。是楷與枯別一物，非箭幹也。又考工記：舛胡之筈。鄭注云：舛胡，胡子之國，在楚旁。筈，矢幹也。禹貢荊州貢：櫟、幹、栝、柏及箇。籊、楷，則箭幹之枯。正荊州之所貢，但禹貢相沿，譌作楷。而此鄭注亦沿其譌耳。木名也。或申上說，或別參一解，則未可定。

槁木枯也。从木高聲。

今經典作槁。易說卦傳：離爲科。上槁。孟子梁惠王：則苗

槁矣公孫丑苗則槁矣詩薺兮毛傳薺槁也鄭箋槁謂木葉也五經文字作稊是諸經槁字舊固作稊也

樸木素也从木美聲 朴木皮也从木卜聲

按俗二字竝用據說文義異而今經典祇有樸字書梓材旣勤樸斲釋文引馬融注樸未成器也爾雅釋器郭璞注鵠脅削剝雕五者皆治樸之名是許木素之義又通爲質樸禮記郊特牲素車之乘尊其樸也無朴字經典原無木皮義也徐鍇繫傳云今藥有厚朴一名厚皮是木之皮也古質朴字多作樸

櫛判也从木席聲

櫛行夜

作夜行誤

所擊者从木橐聲

按此二字說文竝引易重門擊柝之文則二字實一字

也。易釋文祇云說文作櫟。不云說文作櫟。則櫟字說文眞本。櫟字非說文眞本也。今經典多作櫟。乃櫟之僞體。惟周禮多作櫟。挈壺氏縣壺以序聚櫟。修閭氏掌比國中宿互櫟者。野廬氏則令守塗地之人聚櫟之是也。築擣也从木筑聲。

今經典作築。五經文字云築。說文築。石經。

榦。築牆耑木也。从木軌聲。

今經典往往作幹。考工記總目。荆之幹。弓人幹字十五見。禮記月令。羽箭幹。又儀禮特牲饋食禮。佐食舉幹少牢饋食禮。上佐食舉尸牢幹。左昭二十五年傳。惟是櫟。柎所以藉幹者。公羊莊元年傳。擗幹而殺之。爾雅釋畜。

在幹弗方。又考工記鳧氏旋蟲謂之幹。又易乾文言貞者事之幹也。蠱幹父之蠱。又詩毛傳每云翰幹也。鄭箋或云楨幹。或云垣幹。若此之類。不可悉數。皆俗字也。說文無幹字。正字祇當作榦。徐鉉曰。今別作幹非是。

檜哀柱也。从木堂聲。定𡵓也。从止尚聲。

並丑庚切

按檜卽俗撐之本字。故徐鉉云。今俗別作撐非是。俗撐卽說文定𡵓義。哀柱亦定𡵓義。檜定音義同。蓋一字而分歸兩部也。今經典惟有定字。考工記弓人維角定之。鄭衆注定讀如掌。距之掌。車掌之掌。掌亦俗定字。鄭恐俗儒不解定字。故循俗以曉人。其實無煩換字也。廣雅釋器。檜距也。字用說文木部。解用說文止部。距𡵓通。廣

雅釋言又云揜距也蓋檜字之譌說文無揜字玉篇廣韻亦無

檜柱砥古用木今以石从木耆聲易曰檜恒凶

今易恒作振蓋檜與振古音相同通用詳引經攷證但他經典有作檜者此傳寫誤也爾雅釋言檜柱也郭注相檜柱此郭因字从手故如此訓其實檜柱並當依說文作檜柱釋文云檜音枝說文作檜柱音注說文作柱皆從木旁唐石經亦作檜柱

檜檜也从木谷聲

子結切

禮記明堂位山節藻梲注山節刻檜盧爲山也雜記山節而藻梲注山節檜盧刻之爲山又禮器山節藻梲注

栢謂之節論語公冶長山節藻梲注節栢也按栢與構
櫨一事節竝當作格爲正今文作案亦通作節聲同假
借爾雅釋宮作格

構壁柱从木薄省聲

爾雅釋宮屋上薄謂之筵薄正字當作此經注往往不
省作構

櫨戶櫨

今本作
櫨誤

也从木啻聲爾雅曰檐謂之櫨讀若潏

今本

作滴亦
沿俗謬

今爾雅釋宮作櫨國語吳語韋昭注引此文亦作櫨五
經文字云櫨說文從啻櫨石經凡敵滴適之類皆從啻
按啻乃啻字篆文作啻之變文字書遂以爲別有啻字

音的非也、

朽所以涂也秦謂之朽關東謂之椶从木亏聲

今經典惟論語公冶長不可朽也爾雅釋宮鏹謂之朽从木作朽左襄三十一年傳朽人以時填館宮室从土作圻公冶長陸氏釋文本亦作圻但又云本或作朽此甚謬也說文無圻字作朽爲正、

椶朽也从木曼聲 鏹鐵朽也从金曼聲或从木作椶

孟子滕文公毀瓦畫墁說文無墁字正字當作鏹或作椶椶爾雅作鏹釋宮云鏹謂之朽郭注泥鏹論語公冶長集解作椶云朽椶也、

柶門櫨也从木困聲

此字經典固多不誤如禮記曲禮外言不入於梱內言不出於梱是也然有作闔者如儀禮士冠禮闔西闔外鄭注闔闔也之類作梱爲正說文無闔字曲禮釋文云梱本又作闔漢書匡衡傳師古注梱與闔同近來字書直分梱闔爲二字

幄木帳也从木屋聲

按釋名釋牀帳云幄屋也以帛依板施之形如屋也此許所謂木帳也今經典俱作幄說文無幄字正字當作幄六書正譌云幄幬帟木帳也別作幄非

櫝匱也从木賁聲 匱匱也从匚賁聲

按二字音義俱同而今經典多作櫝其作匱者自論語

子罕韞匱而藏諸之外少見釋文獨於此字云匱本又作積五經文字亦獨于此字作音云匱與積同匱也見論語足知古本作匱字者甚尠而張參亦因經典少見而特作音也

樽蓐器也从木辱聲或从金作鐻

今經典竝从耒作耨閒亦从或體作鐻詩臣工毛傳鐻鐻是也五經文字云案字書耨字從木經典相承從耒耜耒耑也从木台聲或从金作鉈弋之切相畱也从木

目聲一曰徙土輦齊人語也或从里作裡詳里切

按易繫辭傳斲木爲耜釋文引京注耜耒下耜也師古注漢書食貨志斲木爲耜耜耒端木所以施金也禮記

月令脩耒耜鄭注耜耒之金也考工記匠人耜廣五寸鄭注今之耜岐頭兩金賈疏耜謂耒頭金釋名釋用器耜齒也似齒斷物也是許所云耜耒耑政經典所謂耜也似耜乃耜之正字而徐鉉于耜字下云今俗作耜是耜爲耜之正字按耜說文訓耜曰部云耜春去麥皮也从臼于所以耜之一曰徙土輦說文耜耜一字今經典中耜字有此義孟子滕文公反蘊耜而掩之趙注蘊耜籠耜之屬可以取土者也音義引丁公著耜土輦則徙土輦也周禮鄉師職有輦輦鄭注引司馬法周輦輦載一耜是其事矣則與耒耑之耜其義迥異徐鉉以耜爲耜之正字耒爲得也六書正譌云耜盈之切耒耑也

又作𣎵音祀同俗作耜耜並非其說視徐爲勝而以耜
相爲一字亦失之

耨摩田器也从木憂聲

今經典多作耨國語齊語深耕而疾耨之論語微子耨
而不耨孟子告子播種而耨之說文無耨字作耨爲正
耨斫謂之耨从木箸聲

張略切

爾雅釋器斫謂之錯說文無錯字正字當作耨釋文云
錯字又作耨耨蓋耨字之傳寫譌

槩杞斗斛从木既聲

今經典多作概禮記月令正權概周禮鬯人凡裸事用
概亦有作槩者禮記曲禮食饗不爲槩周禮考工記桌

氏槃而不稅竝當作槃爲正

栝𩇑也从木否聲

按𩇑當作𩇑說文匚部云小栝也从匚𩇑聲徐鉉古送切栝孟子告子猶栝栝也作栝猶以一杯水作杯禮記玉藻毋沒而杯圈不能飲焉大戴記曾子事父母篇執觴觚杯豆而不能醉亦作杯說文無杯字作栝爲正六書正譌云栝飲器俗作杯孟竝非

槃承槃也从木般聲籀文从皿作盤

今經典多合說文正字其偶有作盤者如左傳二十三年傳乃饋盤飧禮記喪大記沐以瓦盤大學湯之盤銘從籀文也

料勺也从木从斗

周禮鬯人大喪之大泚設斗詩大東維北有斗行葦酌以大斗大戴記保傅篇太宰持斗而御戶右卽此料字詩行葦釋文云斗字又作料不知料實正字也

櫛龜目酒尊刻木作雲雷象象施不窮也从木𩺰聲或从缶作𩺰籀文作𩺰

今經典从或體作𩺰詩卷耳我姑酌彼金𩺰蓼莪惟𩺰之恥洞酌可以濯𩺰周禮鬯人社稷用大𩺰司尊彝皆有𩺰儀禮少牢饋食禮司宮設𩺰水于洗東有料禮記明堂位山𩺰夏后氏之尊也爾雅釋器𩺰器也小𩺰謂之坎無作𩺰者惟漢書有𩺰字文三王梁平王襄傳孝

王有鬻尊應劭注引詩酌彼金罍師古注以罍爲古雷字非說文之意、

璉瑚璉也从木連聲

今經典作璉禮記明堂位夏后氏之四璉論語公冶長璉璉也四璉陸氏本作連釋云連本又作璉同力展反是璉古本作連古人字少通用據正字當作璉簠簋竹器故从竹璉璉木器故从木聶崇義三禮圖云璉受一升制度如簠而平下璉受一升漆赤中蓋亦龜形飾口以白金制度如簠而銳下是蓋爲木器也周伯琦亦云目木爲之俗儒以宗廟重器故字从玉其實不然矣徐鉉曰今俗作璉非是

棧棚也竹木之車曰棧从木菱聲

此字經典如詩何草不黃有棧之車周禮巾車士乘棧車儀禮既夕賓奠幣于棧固皆如說文作棧然有作輶者左成二年傳丑父寢于輶中又有作輶者儀禮既夕鄭注今文棧作輶按輶說文作輶乃籀文車字輶訓車名乃在新附非說文正本字則棧車正字當作棧不作輶輶

槩弋也从木厥聲一曰門梱也

今經典作槩爾雅釋宮槩謂之闌禮記曲禮鄭注闌門槩

校梔也从木友聲

徐鍇以爲此卽詩蕩所謂枝葉未有害本實先撥擻字
如此蓋撥據說文祇爲理治手部云撥治也从手發聲
詩長發元王桓撥公羊哀十四年傳撥亂世反之正是
其義故本實先撥作拔爲近木之爲栳杖者無不生氣
盡絕義相通也

栳稅也从木音聲

步項切

按此字俗作棒爲棒打之棒說文義亦如此稅字下云
木杖也經典尚作栳公羊成二年傳踊于栳而窺客是
也但義異耳何休注凡無高下有絕加躡板曰栳

稅木杖也从木兌聲

他活切又之說切

穀梁宣十八年傳戕猶殘也稅殺也范甯集解稅謂捶

打殘賊而殺釋文稅他活反又徒活反捶打也字林云
木杖按稅係稅字之譌字林正承用說文元朗引之稅
字之下非元朗誤引相傳寫刻者誤稅爲稅也稅說文
手部解稅也从手兌聲音同而義異

柄柯也从木丙聲或从秉作棟

陂病切

枋木可作車从

木方聲

府良切

今經典二字通用周禮內史掌王之八枋之灋儀禮士
冠禮加枋面枋加勺南枋士昏禮受醴面枋綌冪加勺
皆南枋加枋面枋少牢饋食禮匕皆加于鼎東枋特牲
饋食禮加勺南枋此類皆以枋爲柄內史釋文本作柄
云本又作枋士冠禮鄭注今文枋爲柄士昏禮鄭注今

文枋作柄、又禮記禮運以四時爲柄、釋文柄本又作枋、是枋與柄通用也、又儀禮少牢饋食禮覆之南柄、鄭注今文柄爲方、蓋从枋而省、大射儀鄭注有柄、釋文柄、劉本作秉、音同、蓋又从或體之棟而省、據說文柄爲正字、枋乃古文假借字、而張忠甫作儀禮識誤必以枋爲正、毋乃好異而不求是乎、

屎簍柄也从木尸聲、或从木尼聲作梃、
梃絡絲梃从木
爾聲讀若梃

今易姤爻繫于金梃、从或體作梃、釋文以梃說文作梃、絡絲跌也、讀若昵、按所引卽見本部文、雖小異、其義均同、但以說文之梃卽姤卦金梃之梃、未詳所據、豈陸氏

所見說文本、櫛字下固引此經、歟、古周易訂詁云、梲、說文云、籩柄、本作尿、从木尸聲、或从木尼聲、籩卽絡絲籩也、梲其柄也、子夏傳作鏹、云絡絲趺是也、通作櫛、異爲繩、故取梲象於義甚合、惟馬季長以爲梲者在車之下、所以止輪、令不動者、先儒多從之、然古无此訓、爰无此象、誤可知也、據此、櫛字雖不見許君引經、而梲、櫛相通義亦的確不易、又攷說文本部別出梲字、云木也、實如槩、从木尼聲、則梲又實係木名、非籩柄也、而尿、櫛音義俱同、或許君當時本尿、櫛重文、或聯文、并引易此文、未可知也、而今本亂之、不可攷矣、晁以道曰、絡絲之器、今關西謂之絡槩、音墮、槩益之閒、謂之絲登、其下附卽梲

也。梃，正字當作尿，或作櫛。○篴柄，今本俱誤作篴。說文竹部：篴，收絲者也。从竹，夔聲。今據以訂正。

檄，榜也。从木，敬聲。

周禮考工記弓人注：至冬膠堅內之檠。中詩小戎釋文引鄭注周禮云：弓檠曰鞞。檠，據說文當作檄。六書正譌云：檄，俗作檠，非。

楮，槩也。从木，昏聲。一曰矢楮，築弦處。

按此爲槩楮之楮，而國語魯語：楮矢銘。楮書禹貢：柁。柁，楮柏亦卽此字，與楮字不同。說文：楮，炊竈木，从木，舌聲。徐鉉：他念切。佩觿曰：竈杖之楮爲楮柏，其類非如此。

棊，博棊，从木，其聲。

今經典作棋左襄二十五年傳奕者舉棋不定不勝其耦

枹射準

當作

的也从木从自

按經典用枹字義多爲法枹見書康誥多士等篇其他有以爲門枹者爾雅釋宮在地者謂之枹穀梁昭八年范注門中枹有以爲表枹者考工記匠人鄭注中央樹八尺之枹獨無以爲射枹的者然義自通也至如禮記曲禮由闕右玉藻公事自闕西私事自闕東儀禮士冠禮布席于門中闕西士喪禮席于闕西闕外作闕鄭注竝訓爲門櫨則說文原自有闕字見門部禮記禮經作闕固屬正字也惟有作櫨字者如考工記匠人置櫨以

縣穀梁昭八年傳以葛覆質以爲槩又詩賓之初筵孔
疏述王肅引爾雅云射張皮謂之侯侯中者謂之鵠鵠
中者謂之正正方二尺正中謂之槩方六寸小爾雅此
廣器文此
所謂槩正射的之臬而字作槩攷說文實無槩字惟有
檄字見木部云木相摩也从木𣎵聲魚祭切音義俱異
而康成於匠人注云槩古文臬假借字殊不可解也又
康成於士冠禮士喪禮等篇闕字注又云古文闕作槩
存以俟攷

拊闌足也从木付聲

今經典誤作拊詩常棣鄭箋不當作拊拊鄒足也各本
皆同岳本亦作拊發圈讀平聲故羣經音辨手部云拊

鄂足也音跗鄭康成說詩棠棣之鄂曰拊不知康成本讀爲拊闌足爲拊鄂足爲拊其義一也傳寫者譌木爲手耳賈昌朝不察入之手部疏矣

檢書署也从木僉聲

居奄切

檢拱也从手僉聲

良冉切

按檢音兼上聲檢點之檢檢音斂義亦與斂同今經典二字多混用如書伊訓檢身若不及以爲檢點自可而孔疏謂自攝斂則字當作檢而今本多作檢孟子梁惠王狗彘食人食而不知檢以爲檢點亦自可而趙注謂不知以法度檢斂漢書食貨志引作不知斂則字當是檢而今本多作檢此等皆混用無別也惟周禮職幣鄭注振猶拊也檢也賈疏知其足剩謂之檢此政是檢點

義正字正用書署猶今之書表簽以便檢閱故檢點卽用此字拱手部訓斂手故爲攝檢之檢

櫟車轂中空也从木梟聲讀若藪

周禮考工記輪人以其圍之枋捎其藪鄭司農云藪讀爲蜂藪之藪謂轂空壺中也元謂此藪徑三寸九分寸之五當輻菑者也本字蓋卽此櫟字今之作藪借聲也下量其藪以黍亦同

楬盛膏器从木尚聲

韻會引小徐云古者車行其軸當常滑易故常載脂膏以塗軸此卽其器也按車中盛膏以塗輪者爲楬故以膏塗輪滑易亦謂之楬禮記雜記叔孫武叔朝見輪人

以其杖、關轂而輶輪者、輶輪正此義、玉篇云、輶車脂轂是也、正義但以輶爲迴、謂作輪之人以扶病之杖、關穿車轂中而迴轉其輪、義未周諦、集韻、輶或作輶、輶韻會、輶今作輶、說文無輶、輶字正字當作輶。

標山行所乘者从木累聲

書益稷予乘四載孔傳、山乘標、正字當作標、

撥海中大船从木發聲

今經典作筏、論語公冶長馬融注、大者曰筏、小者曰桴、爾雅釋言郭注、木曰筏、竹曰筏、小筏曰桴、說文無筏字、一切經音義卷三云、筏、通俗文作撥、韻集作撥、按韻集乃呂忱弟呂靜之書、見江式論書表、呂氏兄弟實承說

文之緒者然則韻集作檄蓋實宗說文也

枅棧也从木瓜聲又枅棧殿堂上最高之處也

今經典祇有觚字爲禮酒器至觚棧字書只作枅故論語雍也觚不觚朱注以觚器之有稜者古注只以爲禮器一切經音義卷十八引通俗文云木四方爲棧八棧爲枅

稜枅也从木交聲

今經典作稜書顧命孔傳堂廉曰𡵓疏廉者稜也所立在堂下迎於堂稜禮記樂記疏廉謂廉稜聘義疏廉稜也言玉體雖有廉稜而不傷割於物廣韻云稜俗字

櫨伐木餘也从木獻聲或从木辭聲作櫨古文从木無頭

作不又作梓

今經典多从或體作藥。國語魯語山不槎藥。又譌作藥。書盤庚若顛木之有由藥。詩長發苞有三葉。孟子告子非無萌蘖之生焉。亦作枿。爾雅釋詁枿餘也。釋文枿本或作梓。又作木。按梓乃梓之譌。木乃不之譌。

槨積火燎之也。从木从火。酉聲。詩曰薪之槨之。周禮以槨燎祠司中司命。或从示作禡。柴祭天神。

許所引二經今本無誤。然詩棫櫟釋文本槨作櫟。周禮大宗伯釋文槨本亦作櫟。又周禮羊人鄭注禋祀櫟燎實柴亦作櫟。考說文本部櫟柔木也。工官以爲輿輪从木會聲。讀若櫟。義異。槨燎正字當作槨。

桤竟也从木恒聲古文作𠂔

此橫桤字今文从古而又省作𠂔左思吳都賦宜以綠水張衡西京賦宜雄虹之長梁是也經典多省木作恒詩生民恒之秬秠恒之糜芑毛傳恒徧也考工記弓人恒角而短後鄭注恒竟也竟其角而短於淵釋文恒古鄧反據說文本字當从木作桤按古文之𠂔象舟竟兩岸橫𠂔之此象形字顏氏家訓書證篇曰彌𠂔字從二閒舟詩云𠂔之秬秠是也今之隸書轉舟爲日而何法盛中興書乃以舟在二閒爲舟航字謬也○按說文又有𠂔字二部云𠂔求𠂔也从二从回回古文回象𠂔回形上下所求物也徐鍇曰回風回轉所以宜陰陽也須

緣切、隸寫作亘、與橫亘字相同無別。毛晃曰：亘从回。今文省作日。凡宣垣字皆作亘、與亘不同。亘居鄧切。从二从舟、同、卽舟字也。

櫛葬有木蘭也。从木蘭聲。

今經典作棹。五經文字云：棹說文作櫛。石經作棹。按：蘭說文部首度也。民所度居也。从回象城蘭之重。兩亭相對也。古博切。故櫛廊等字以爲聲。今从享乃獻享之享。此字說文作亘。篆文作𠂔。故隸變作享。櫛廊于聲何涉。且𠂔變作享。𠂔又變作享。此隸變之最不講形聲者。

林部

霖豐也从林爽

今經典多作廡書洪範庶草蕃廡國語晉語不能蕃廡
孔傳韋注竝曰廡豐也又作蕪爾雅釋詁蕪豐也正字
當作蕪廡說文广部云堂下周屋从广無聲蕪艸部云
蕪也从艸無聲義異

才部

才艸木之初也从丨上貫一將生枝葉一地也 材木挺
也从木才聲

據說文才爲才始材爲材質今經典祇有材質義無才
始義而材質通用才如易繫辭傳兼三才而兩之詩駟
思馬斯才禮記文王世子必取賢斂才焉論語泰伯才
難子罕既竭吾才子路舉賢才孟子離婁才也養不才

告子非才之罪也。非天之降才爾殊也。之類皆是。正字當作材。漢書平帝紀引論語舉賢才作材。王嘉傳引論語才難作材。禮記學記鄭注引易兼三才而兩之作材。此正字也。昔人嘗言史漢去古未遠。字多從古。此亦足見其一斑。但才始義。史漢多作財。亦作裁。無作才者。蓋自才用爲才質。俗儒直不知才始本義。而才始轉以聲同假借。作財作裁。蓋自西漢以來已然矣。